

内閣文庫	
番 號	和 38514
冊 數	2 (2)
函 號	207 111



綴じ部(喉部分)の文字など開きが不鮮明な箇所あり

幼學詩選坤之卷

美濃 邨瀨黎泰乙撰

尾張 寺西詮嗣山
杉野貴子進校

感慨類

田鄉偶書 唐 賀知章

少小離家老大回鄉音無改

鬢毛摧兒童相見不相識笑

問客從何處來

落第後口號 薛據

十五能文西入秦三十無家

作路人時命不將明主合布

衣空惹洛陽塵

私成口號誦示裴迪

王維

萬戶傷心生野烟百官何日

更朝天秋槐葉落空宮裏凝

碧池頭奏管絃

幼學詩選 感慨類

湯興

杜甫

二月已破三月來漸老逢春
能幾回莫思身外無窮事且
盡生前有限盃

病中嫁妓

司空曙

万事傷心在目前一身垂淚
對花殘黃金散盡教歌舞留
與他人樂少年

初入諫司喜家室至

竇群

一旦悲歡見孟光十年辛苦
伴滄浪不知筆硯緣封事猶
問傭書日幾行

上汝州郡樓

李益

黃昏鼓角似邊州三十年前
上此樓今日山川對垂淚傷
心不獨為悲秋

聽舊宮人穆氏唱歌

劉禹錫

曾隨織女渡天河記得雲間
第一歌休唱貞元供奉曲當
時朝士已無多

老歌者

王建

白髮歌人帶舊情上皇生日
出京城如今供奉多新意錯
唱當時第一聲

宿府池西亭

白居易

池上平橋橋下亭夜深睡覺
上搗行白頭老尹重來宿十
五年前舊月明

王侍御池亭

朱門深鎖春池滿岸落薔薇
水浸菰葦竟林塘誰是主主
人來少客來多

感舊詩卷

夜深嗷罷獨長吁老淚燈前

濕白鬚二十年前舊詩卷十人酬和九人無

梨園弟子

白頭垂淚話梨園五十年前雨露恩莫問華清今日事滿山紅葉鎖宮門

望月懷江上舊遊

雍陶

往歲曾隨江客船秋風明月洞庭邊為看今夜天如水憶得當時水似天

勸行樂

老去風光不屬身黃金莫惜買青春白頭縱作花園主醉折花枝是別人

看花

山桃野杏兩三栽樹樹繁花春後開今日主人相引看誰

知曾是客移來

寄隱者

杜牧

無媒逕路草蕭蕭自古雲林遠市朝公道世間唯白髮貴人頭上不曾饒

遣懷

落魄江湖載酒行楚腰纖細掌中輕十年一覺揚州夢贏得青樓薄倖名

秋思

許渾

琪樹西風枕簟秋楚雲湘水憶同遊高歌一曲掩明鏡昨日少年今白頭

贈彈箏人

溫庭筠

天寶年中事玉皇曾將新曲教寧王鈿蟬金雁皆零落一曲伊州淚萬行

春樓

盧綸

花正濃時人正愁逢花却欲
替花羞年來笑伴皆歸去今
日晴明獨上樓

退朝望終南山 李 極

紫宸朝罷綴鸚鵡丹鳳樓前
駐馬看唯有終南山色在清
明依舊滿長安

批子弟理舊居狀

揚 珍

四隣侵我好從伊畢竟須思
未有時試上含元殿基望秋
風秋草正離離

修史亭

司空圖

烏紗巾上是青天檢束酬知
四十年誰料平生臂鷹手挑
燈自送佛前錢

觀野花思京師舊遊

無名氏

曾至街西看牡丹牡丹纔謝
便心闌如今變作村園取鼓
子花開也喜觀

解印

廖 凝

五斗徒勞漫折腰三年西髻
為誰焦今朝官滿重歸去還
挈來時舊酒瓢

長安早秋

僧子蘭

風舞槐花落御溝終南山色
入城秋門門走馬徵兵急公
子笙歌醉玉樓

題關右寺壁

宋王嗣宗

欲掛衣冠神武門先尋水竹
渭南村却將舊斬樓蘭劍旋
博黃牛教子孫

途中

張 詠

人情到底重官榮見我東歸
夾路迎不免舊溪高士笑天

公學詩選

真夜盡得虛名

省中

王荊公

萬事悠悠心自知強顏於世
轉參差晚來獨向秋風裏卧
看蜘蛛結網時

縱筆

蘇軾

寂寂東坡一病翁白鬚蕭散
滿霜風兒童誤喜朱顏在一
笑那知是酒紅

山村

杖藜裹飯太忽忽過眼青錢
轉手空贏得兒童語音好一
年強半在城中

天津感事

邵雍

前朝無限貴公卿後世徒能
記姓名唯有天津橋下水年
年只作一般聲

懷金陵

張耒

曾作金陵爛漫遊北歸塵土
變衣裘菱荷聲裡孤舟雨卧
入江南第一州

病中聞雨

李昭玘

官居寥落禁門東秋滿長安
一夜風老病不眠成輾轉五
更鐘鼓雨聲中

宿西軒

任伯雨

茅檐不動晚風微獨對爐烟
枕半歌唯有多情沙上月依
然青瑣照人時

題青泥市寺壁

岳飛

雄氣堂堂貫斗牛誓將真節
報君讐斬除頑惡還車駕不
問登壇萬戶侯

惜海棠未開

程敦厚

今年春色可勝嗟二月山中
未見花長憶去年今夜月海

棠花影到窓紗

新亭

史正志

龍盤虎踞阻江流，割據由來起仲謀。從此但誇佳麗地，不知西北有神州。

有感

朱熹

昨夜江邊春水生，艤艫巨艦一毛輕。向來枉費推移力，此日中流自在行。

闕題

王穉

到處江山是戰場，淮民依舊說耕桑。梅花不識興亡恨，猶向東風笑夕陽。

會同館

范成大

万里孤臣致命秋，此身何止一沤浮。提攜漢節同生死，休問羝羊解乳不。

春晚懷山南

陸游

梨花堆雪柳吹綿，嘗記梁州古驛前。二十四年成昨夢，每逢春晚即悽然。

醉歌

百騎河灘獵盛秋，至今血漬短貂裘。誰知老卧江湖上，猶枕當年虎鬪髀。

排悶

四十從軍渭水邊，功名無命氣猶全。白頭爛醉東吳市，自拔長刀割彘肩。

感舊

雕鞍送客雙流驛，銀燭看花万里橋。三十三年真一夢，茆寒雨夜蕭蕭。

書感

行遍天涯寺斷蓬，作詩博得一生窮。可憐老境蕭蕭夢，常

在荒山破驛中

春日雜咏

攪心禽聲晚傍蒼泥人花氣

午穿簾歡情老去年年薄困

思春來日日添

貧甚戲作

糶米歸遲午未炊家人竊憫

乃翁飢不知弄筆東牕下正

和淵明乞食詩

示兒

死本元知万事空但悲不見

九州同王師北平中原日家

祭無忘告乃翁

自哂

劉仙倫

曾騎白鶴上揚州頭插花枝

秉燭遊尊酒邇來誰是伴白

雲收盡數峰秋

鬪雞走馬醉高陽今日歸來

兩鬢霜無限少年心上事半

簾豆雨語寒螢

世事悠悠酒幾杯暗窓把鏡

獨徘徊西風吹老梧桐樹仍

送新霜兩鬢來

淮村兵後

戴復古

小桃無主自開花煙草茫茫

帶晚鴉幾處敗垣圍故井向

來一一是人

題蔡仲卿青在堂

幾人富貴不能開夜運牙籌

日跨鞍役役一生忙裏過不

知屋上有青天

老奴

劉克莊

老奴昔逐我西東捷似猿猴

跳絕峯今日道旁扶一拐乃

公安得不龍鍾

記夢

父兄誨我，鬢髮初老，不成名
鬢髮疎，紙帳鐵檠風雪，夜夢
中猶誦少時書

朱門

周端臣

朱門茅屋偶為鄰，北阮誰憐
南阮貧，却是梅花無世態，隔
牆分送一枝春

兵火後還鄉

嚴粲

萬屋烟消，撲面塵還，家何處
訪情親，舊時巷陌今難認，却
問新移來住人

鏡湖

張惟中

昔年曾過賀家湖，今日烟波
大半無，惟有一天秋夜，月不
隨田畝入官租

鬻廬

宋氏

自歎年來刺骨貧，吾廬今已
屬西隣，殷懃說與東園柳，他

日相逢是路人

驛程記

趙鈞月

白塔橋邊買地經，長亭短堠
甚分明，如何只到錢塘住，不
說中原有幾程

下蜀

花蓀夫人

君王城上豎降旗，妾在深宮
何得知，知十四萬人齊解甲也，
無一箇是男兒

京城雜咏

元 歐陽玄

奉詔修書，白玉堂朝朝騎馬
侍宮牆，肺河東畔垂楊柳，時
有鶯聲似故鄉

有感

明 劉基

浪動江淮戰血紅，羽書應不
達宸聰，紫微門下逢宣使，新
向湖州召畫工

自贊

顧英

儒衣僧帽道人鞋到處青山
骨可埋還憶少年豪俠與五
陵裘馬洛陽街

感舊遊

吳與弼

石橋門巷落花深暗日光風
鳥亂吟人事暗隨春夢改綠
楊還似舊時陰

重過梁坡臺廢寺有感

余育

古寺無僧門半扃重来往事
倍傷神一株殘柳猶青眼似
識當年繫馬人

立春日感慨

陳薦夫

征袖翩翩浥淚痕別離無計
但銷魂應嗟不及墻東柳歲
歲春風在故園

聞撫洞庭秋思曲

清方朝

曾放扁舟沂楚天清猿淚竹
思淒然廿年夢裏湘山月今
夜分明在七絃

失題

高莘田

常參班裏說歸休都作寒暄
好話頭恰似朱門歌舞地屏
風偏画白蘋洲

憶法藏寺前柳

陳維崧

一樹青絲拂寺前氍毹和月
復和煙嘗時春夜頻來往曾
見依依十二年

山塘問步

宋樹穀

疎狂猶記少年時幾處歌場
鬪雪詩今日舊遊零落盡酒
痕只有故衫知

盧溝橋

僧元璟

日色纔分萬象囂黃塵漠漠
馬蹄驕題詩欲問桑乾水曾

有閑人過此橋

悼傷類

哭孟寂

唐張籍

曲江院裏題名處十九人中
最少年今日春光君不見杏
花零落寺門前

傷愚溪

劉禹錫

柳門竹巷依依在野草青苔
日日多縱有隣人解吹笛山
陽舊侶更誰過

哭子

元稹

爾母溺情連夜哭我身因事
有時悲鐘聲欲動東方曙便
是尋常上學時

家園瓜熟是故蕭相公所
遣瓜種悽然感舊因賦此

詩

劉長卿

事本人亡跡自留黃花綠蒂
不勝愁誰能更向青門外秋
草茫茫覓故侯

題柳郎中故居

李德裕

下馬荒階日欲曛潺湲石溜
靜中聞鳥啼花落人聲絕寂
寞山窗掩白雲

聞崔倚旅葬

劉言史

遠客那能返故廬蒼梧埋骨
痛何如他時親戚空相憶席
上同悲一紙書

江樓書感

趙嘏

獨上江樓思渺然月光如水
水連天同來觀月人何處風
景依稀似去年

悼楊氏妓琴絃

朱褒

魂歸寥廓魄歸泉只住人間

十五年昨日施僧裙帶上斷腸猶繫琵琶絃

無題

王周

梨花如雪已相迷更被驚鳥半夜啼簾捲玉樓人寂寂一鈎新月未沈西

用西林舊韻

宋朱熹

一自藍輿去不回故山空鎖舊池臺傷心觸目經行處幾度親陪杖履來

題陳景明梅廬

戴復古

手栽梅枝待成林慈母當年屬望深梅未成林人已往空酸孝子一生心

悼阿駒

劉克莊

吾老方期汝九宗凌憐不與衆雜同豈知希世千金寶止作空華賺乃翁

殤女

靈照羈魂章水西冷風殘雪古招提老懷已作空花看更把楞嚴曉病妻

重九再到張巴陽世書詩

牌後一首

王阮

碧紗籠底墨才乾白玉樓中骨已寒淚盡當年聯騎客菊花時節獨來看

失子

金周昂

白髮飄蕭老病身幾因兒女淚沾巾虛談誤世王夷甫只有情鍾語最真

無題

明陸弼

珠簾寂寞網流塵舞歇歌殘已十春惟有香魂消不得至今猶作夢中人

哭張天如先生

陳子龍

越山北望指吳關，一月緘書
幾往還。數日不傳雲裏字，那
知非復在人間。

悼亡 孟淑卿

斑斑羅袖濕淚痕，深恨無香
使返魂。豈蕊花開人不見，一
簾明月伴黃昏。

悼夫集句 劉氏

江流曲似九迴腸，愁思非春
亦自傷。明月不知人世變，夜
來依舊下西廂。

夢長兄悽然有作

僧明秀

獨夜殘燈一雁鳴，淒涼夢裏
似平生。相看無奈幽明隔，枕
畔蕭蕭風雨聲。

過孫山人故居

溪邊野竹映寒沙，茅屋青山

慶士家燕子歸來寒食雨，春
風開遍野棠花。

題謝怡古遺稿 清 黎士弘

詩魂苦瘦看猶在，方駕曹劉
意未降。倘更十年身不死，無
人道着賈長江。

悼亡 王士禎

藥鑪經卷送生涯，禪榻春風
兩鬢華。一語寄君君聽取，不
教兒女衣蘆花。

悼亡姬趙氏二首

惠周暢

春時初嫁秋來病，九月東遊
我未歸。獨擁寒衾壓針線，辛
勤還為寄寒衣。

年來無夢到彤扉，卧聽三商
玉漏稀。記得去春風雪夜，添
香喚我着朝衣。

公精
之詩

七夕詞

沈德潛

璇宮休怨渺，難攀地久天長。
往復還，但有生離無死別果。
然天上勝人間。

悼亡

張熙

邊闕暑夕冷，於秋孤鵲驚飛。
別樹頭，此夜万家明月裏，幾
人思婦，獨登樓。

哭女三首

姚世鉉

十歲言詩，有性靈，木蘭愛說
替爺征黃泉，不是黃河水，聞
否，爺孃喚女聲。
貧家生小儉，梳妝竹筍練裙
少盛裝，繡得羅襦幾回，着送
終，猶是嫁衣裳。
傳業方今羨蔡邕，慰情那更
比陶公，明知此恨古人少，哭
女偏當無子翁。

癸丑秋陳妾得舉一子誌

喜 吳巽

窮薄還憑世澤存，朝來孤矢
喜懸門，翻嗟姑舅先，朝露未
得生前一弄孫。

仙釋類

玉真公主影殿 唐 盧綸

夕照臨窻起暗塵，青松繞殿
不知春，君看白髮誦經者，半
是宮中歌舞人。

生公講堂 劉禹錫

生公說法鬼神聽，身後堂空
夜不扃，高座寂寥塵漠漠，一
林明月可中庭。

春題華陽觀 白居易

帝子吹簫逐鳳凰，風空留仙洞。

刀聖寺題

悼傷仙狀三

彌華陽落花何處堪惆悵頭
白宮人掃影堂

題揚州木蘭院 王播

三十年前此地遊木蘭花發
院初修而今再到經行處樹
老無花僧白頭

題鶴林寺僧舍 李涉

終日昏昏醉夢間忽聞春盡
強登山因過竹院逢僧話又
得浮生半日閑

登慈恩寺

金界時來一訪僧天香飄翠
鎖窗凝碧池靜照寒松影清
晝深懸古殿燈

重過文上人院

南隨越鳥北燕鴻松月三年
別遠公無限心中不平更一
宵清話又成空

春晚遊鶴林寺寄使府諸
公

野寺尋花春已遲背巖唯有
兩三枝明朝携酒猶堪賞為
報東風且莫吹

醉後題禪院 杜牧

觥船一掉百分空十載青春
不負公今日鬢絲禪榻畔茶
烟輕颺落花風

李侍御歸炭谷山居同宿

華嚴寺 趙嘏

家在青山近玉京白雲紅樹
滿歸程相逢一宿最高寺半
夜翠微泉落聲

尋僧

谿戶無人谷鳥飛石橋橫木
挂禪衣看雲日暮倚松立野
水亂鳴僧未歸

文選

頭陀僧

陸龜蒙

万峰圍繞一峰深向此長修
苦行心自掃雪中歸鹿跡天
明恐被獵人尋

贈老僧

枯貌自同霜裹木餘生唯指
佛前燈少時寫得坐禪影今
見問人何處僧

贈日東鑿禪師

司空圖

故國無心渡海潮老禪方丈
倚中條夜深雨絕松堂靜一
點山螢照寂寥

西蜀淨衆寺七祖院小山

鄭谷

小巧巧成雨薜斑軒車日日
叩松關峨眉咫尺無人去却
向僧窓看假山

贈僧

盧士衡

不羨王公與貴人唯將雲鶴
自相親閑來石上觀流水欲
洗禪衣未有塵

遊紫陽宮

成彥雄

古殿煙霞簇畫屏直疑蹤跡
到蓬瀛碧桃满地眠花鹿深
院松窓擣藥聲

七月過孤山勤上人院

宋蔡襄

青林藹藹日暉暉薄晚涼生
暑氣微湖上清風如可載畫
船十隻不空歸

悟真院

王安石

野水從橫漱屋除午窓殘夢
鳥相呼春風日日吹香草山
北山南路欲無

夢中作

歐陽公

夜涼吹笛千山月路暗迷人

仙歌

五

紅學詩選

百種花棋罷，不知人換世，酒闌無奈客思家。

宿餘杭山寺 蘇軾

暮鼓晨鐘自擊撞，閉門孤枕對殘缸。白灰旋撥通紅火，臥聽蕭蕭雪打窗。

絕句

天風吹月入闌干，烏鵲無聲夜向闌。織女明星來枕上，乃知身不在人間。

仁日山榮長老方丈

日射迴廊午枕明，水沈消盡碧煙橫。幽人睡覺無人見，只有飛蚊繞鬢鳴。

常州太平寺蒼菴亭

六花蒼菴林間，佛九節，菖蒲石上，仙何似東坡鐵拄杖。一時驚散野狐禪。

夜聞風雨有感 張耒

留滯招提未是歸，卧聞秋雨響疎籬。何當粗息飄萍恨，却誦僧窓聽雨詩。

望道場山塔 孫覲

蕭寺知名四十年，身投籠檻到無緣。行人指點松間路，正在孤雲落照邊。

遊金沙寺

綠筍遺苞半出籬，清谿一曲翠相迷。古苔稱意壞墻滿，好鳥盡情深樹啼。

重過楓橋寺示遷老

白首重來一夢中，青山不改舊時容。烏啼月落橋邊寺，欹枕猶聞半夜鐘。

道經柘溪靜林寺

邵棠

仙歌

仙歌

十六

青山萬疊倚晴空，中有招提一徑通。
老衲不閑塵世事，黃花紅葉自秋風。

寄南巖悟禪師 王銍

雪後千峰玉刻成，瓊瑤寒照寺樓明。
遙知禪老開窗坐，指點煙村看晚晴。

上方

松間清月佛前燈，菴在孤峰更上層。
犬吠一聲秋意靜，敲門知有夜歸僧。

尼院 杜小山

曾是霓裳第一人，曲終認得本來身。
多年不作東風夢，開却薔薇一架春。

示西林可師 朱熹

身世年來兩欲忘，一春隨意住僧房。
行逢舊隱低回久，綠

樹鶯啼清晝長。

金氏菴 范成大

醉墨題窗側，暮鴉蔓藤綠。壁走青蛇，
春深有燕，捎飛蝶日暮無人掃落花。

聽雨 胡仲參

聽盡燈前細雨聲，聲聲總是別離情。
何時斷得閑煩惱，一任芭蕉滴到明。

閣皂山 劉遂初

春山靈草百花香，誰識仙家日月長。
滿院莓苔綠陰匝，棋聲何處隔宮牆。

僧門 林景熙

一閑每笑不如僧，及到僧門問未能。
昨夜褐袍風雪裏，隔溪犬吠入林燈。

沁水山寺 金王寂

仙報 十七

夕
夕
夕

兩峽山高月半輪五更人起
馬嘶頻無端又上長安道輸
與僧窓飽睡人

宿焦山上方元郭天錫

揚子江頭風浪平焦山寺裏
晚鐘鳴爐煙已斷燈花落喚
起山僧看月明

師子林即景僧惟則

道人肩水灌畦蔬託鉢船歸
粟有餘飽飯祥和無一事繞
池分食餞遊魚

憶原上人明錙績

一西授鞋八尺藤廣陵行遍
又金陵不知竹雨松風夜吟
對秋山那寺燈

寄茅山道士王問

曾向華陽洞口過三峰高處
白雲多仙房隱隱依巖竹清

夜經聲出薛蘿

湧泉菴

李攀龍

錦陽川上女僧家紅樹蕭蕭
白日斜弟子如雲人不見可
憐秋老玉蓮花

遊金燈寺

謝榛

策杖穿林路幾重上方鐘磬
出雲峯再來只恐無尋處好
記懸崖一古松

宿香嚴寺

蕭宗

方丈香銷客未眠出城頓覺
夜如年烏啼霜落僧歸院雲
滿空山月滿天

和寒山子詩

陳芹

青烟紫霧夕冥冥似雨飛泉
滿戶庭白日山人無一事水
精簾下閱金經

與僧一然聽鐘

廖孔說

夕
夕
夕

仙和

天

文選

寥寥相對一燈明，數盡遙鐘百八聲。題向山堂成故吏，他年却好話平生。

自錦繡峰下至東林寺

清 王士禎

江州郭外雪雲濃，翠壁丹崖錦繡重。行盡青溪三百曲，東林繞打午時鐘。

題寒山寺

汪懋麟

吳中池館日吹簫，只有寒山寺寂寥。搖落江楓對漁火，行人歸去雨蕭蕭。

宏濟寺

田 霖

初入長干第一關，果然幽境出塵寰。西風黃葉南朝寺，前面長江後面山。

憑弔類

汾陰行

唐 李 嶠

山川滿目淚沾衣，富貴榮華能幾時。不見祗今汾水上，唯有年年秋雁飛。

邙山

沈佺期

北邙山上列墳塋，萬古千秋對洛城。城中日夕歌鐘起，山上惟聞松柏聲。

銅雀臺

劉廷琦

銅臺宮觀委成塵，魏主園陵漳水濱。即今西望猶堪思，況復當時歌舞人。

越中懷古

李 白

越王勾踐破吳歸，義士還家盡錦衣。宮女如花滿春殿，只今惟有鷓鴣飛。

山房春事

岑 參

初登寺屋

卷第

五九

如夢詩選

梁園日暮亂飛鴉極目蕭條
三兩家庭樹不知人去盡春
來還發舊時花

讀嶧山碑 張翥

六國平來四海家相君當代
擅才華誰知頌德山頭石却
與他人戒後車

宿昭應 顧况

武帝祈靈太乙壇新豐樹色
繞千官那知今夜長生殿獨
閉空山月影寒

南遊感興 竇鞏

傷心欲問前朝事惟見江流
去不回日暮東風春艸綠鷓
鴒飛上越王臺

隋宮燕 李益

燕語如傷舊國春宮花零落
總成塵自從一閉風光後幾

度飛來不見人

華清宮 王建

酒幔高樓一百家宮前楊柳
寺前花內園分得温湯水二
月中旬已進瓜

會誓東小山 陸羽

月色寒潮入剡溪清猿叫斷
綠林西昔人已逐東流去空
見年年芳草齊

華清宮 李約

君王遊樂萬幾輕一曲霓裳
四海兵玉輦升天人已盡故
宮猶有樹長生

登闕閭故城 武元衡

登高遠望自傷情柳鞦花開
映古城全盛已隨流水去黃
鸝空啣暮春聲

吳城覽古 陳羽

初學詩

過市

吳王舊國水煙空，香逕無人
蘭葉紅，春色似憐歌舞地，年
年先發錦娃宮。

題楚昭王廟 韓愈

丘墳滿目衣冠盡，城闕連雲
草樹荒，猶有國人懷舊德，一
間茅屋祭昭王。

木居士廟

火透波穿不計春，根如頭面
幹如身，偶然題作木居士，便
有無窮求福人。

石頭城

劉禹錫

山圍故國周遭在，潮拍空城
寂寞回，淮水東邊舊時月，夜
深還過女牆來。

烏衣巷

朱雀橋邊野草花，烏衣巷口
夕陽斜，當時王謝堂前燕飛

入尋常百姓家。

臺城

臺城六代競豪華，結綺臨春
事最奢，萬戶千門成野草，只
緣一曲後庭花。

法雄寺東樓

張籍

汾陽舊宅今爲寺，猶有當時
歌舞樓，四十年來車馬絕，古
槐深巷暮蟬愁。

長洲苑

白居易

春入長洲草又生，鷓鴣飛起
少人行，年深不辨娃宮處，夜
夜蘇臺空月明。

題昭應溫泉

孫叔向

一道泉回繞御溝，先皇曾向
此中遊，雖然水是無情物，也
到宮前咽不流。

過襄陽，上于司空頓

句是寺

憑吊

廿

李涉

方城漢水舊城池，陵谷依然
世自移。歇馬獨來尋故吏，逢
人唯說峴山碑。

望思堂

鄭還古

讒說能令骨肉離，姦情難測
事堪悲。何因掘得江充骨，搗
作微塵祭望思。

華清宮

張祜

紅樹蕭蕭閣半開，上皇曾幸
此宮來。至今風俗驪山下，村
笛猶吹阿濫堆。

寶應縣

雍陶

雪樓當日動晴寒，渭水梁山
鳥外看。聞說先皇曾到此，吟
詩不敢倚欄干。

題烏江亭

杜牧

勝敗兵家事不期，包羞忍恥

是男兒。江東子弟多才俊，卷
土重來未可知。

赤壁

折戟沈沙鐵半銷，自將磨洗
認前朝。東風不與周郎便，銅
雀春深鎖二喬。

泊秦淮

煙籠寒水月籠沙，夜泊秦淮
近酒家。商女不知亡國恨，隔
江猶唱後庭花。

金谷園

繁華竟散逐香塵，流水無情
艸自春。日暮東風怨啼鳥，落
花猶似墜樓人。

登樂遊原

長空澹澹沒孤鴻，萬古消沈
向此中。看取漢家何事業，五
陵無樹起秋風。

初赴行臺

憑吊

五二

文選

途經秦始皇墓 許渾

龍盤鼎踞樹層層勢入浮雲
亦是崩一種青山秋草裏行
人唯拜漢文陵

經故大尉段公廟

靜想追兵緩翠華古碑荒廟
閉松花紀生不向榮場死爭
有山河屬漢家

驪山有感

李商隱

驪岫飛泉泛暖香九龍呵護
玉蓮房平明每幸長生殿不
從金輿唯壽王

龍池

龍池賜酒蔽雲屏羯鼓聲高
衆樂停夜半宴歸宮漏永薛
王沈醉壽王醒

經郭汾陽舊宅 趙嘏

門前不改舊山河破虜曾輕

馬伏波今日獨經歌舞地古
槐疎冷夕陽多

秋日過驪山

孟遲

冷日微煙渭水愁華清宮樹
不勝秋霓裳一曲千門鎖白
盡梨園弟子頭

華清宮

崔櫓

草遮回磴絕鳴鑿雲樹森森
碧殿寒明月自來還自去更
無人倚玉欄干

嚴陵釣臺

黃滔

終向煙霞作野夫一竿竹不
換簪裾直釣猶逐熊羆起獨
是先生真釣魚

長城

汪遵

秦築長城比鐵牢蕃戎不敢
過臨洮馬知万里連雲勢不
及堯階三尺高

切是守是

澤中

五

文學書選

梁寺

立國從來為戰功，一朝何事却談空。臺城兵匝無人敵，閑卧高僧滿梵宮。

汴河懷古

皮日休

盡道隋亡為此河，至今千里賴通波。若無水殿龍舟，豈共禹論功，不較多。

長城

胡曾

祖舜宗堯自太平，秦皇何事苦蒼生。不知禍起蕭牆內，虛築防胡万里城。

陳宮

羅鄴

白玉樽前紫桂香，迎春閣上燕雙雙。陳王半醉貴妃舞，不覺隋兵夜渡江。

焚書阮

章碣

竹帛煙銷帝業虛，闕河空鎖

祖龍居阮，灰未冷，山東亂劉項，元來不讀書。

華清宮二首

吳融

四郊飛雪暗雲端，惟此宮中落旋乾。綠樹碧簷相掩映，無人知道外邊寒。

漁陽烽火照函關，玉輦匆匆下此山。一曲羽衣聽不盡，至今遺恨水潺潺。

過金陵

韋莊

江雨霏霏江草齊，六朝如夢鳥空啼。無情最是臺城柳，依舊煙籠十里堤。

繡嶺宮詞

李洞

春草萋萋春水綠，野棠開盡飄香玉。繡嶺宮前鶴髮翁，猶唱開元太平曲。

過金陵

江為

江為詩

憑吊

五

玉樹歌終王氣收，雁行高送石城秋。
江山不管興亡事，一任斜陽伴客愁。

闔閭城懷古 劉瑤

五湖春水接遙天，國破君亡不記年。
唯有妖娥曾舞處，古臺寂寞起愁烟。

題巫山神女廟 宋 吳簡言

惆悵巫娥事不平，當時一夢是虛成。
只因宋玉閑脣吻，流盡巴江洗不清。

淮陰廟 錢昆

築壇拜日恩雖厚，躡足封時慮已深。
隆準早知同鳥喙，將軍應有五湖心。

題歌風臺 張方平

落魄劉郎作帝歸，樽前一曲大風詞。
才如信越猶蘓醞，安用思他猛士為。

用思他猛士為

釣臺

范仲淹

漢包六合網賢豪，一箇冥鴻惜羽毛。
世祖功臣三十六，雲臺爭似釣臺高。

雞鳴臺

范鎮

古人惟恃衆心城，何事秦皇苦好兵。
本設函關禁姦詐，不知夜半有鷄鳴。

蠡口絕句

鄭獬

千重越甲夜城圍，戰罷君王醉不知。
若論破吳功第一，黃金只合鑄西施。

金陵即事

王安石

結綺臨春歌舞地，荒蹊狹巷兩三家。
東風漫漫吹桃李，非復當時仗外花。

驪山二首

蘇軾

功成雖欲善持盈，可歎前王
時太平，辛苦驪山山下，土阿
房纔廢，又華清。

海中，方士覓三山，萬古明知
去，不還。咫尺秦陵是高監朝
元何必苦躋攀。

長安覽古

張舜民

黃鵠高飛去不還，百年世夏
奕碁間。沈香亭畔千株石散
與人間，作假山。

秦山洞

潘興嗣

秦人當日避風煙，自種桑麻
老洞天。綠竹橫溪雞犬靜，不
知門外漢山川。

城山

華鎮

兵家制勝舊多門，贈答雍容
亦解紛。緩報一雙文錦鯉，坐
歸千萬水犀軍。

題華清宮

杜常

東別家山，十六程曉來和月
到華清。朝元閣上西風急，都
入長楊，作雨聲。

韓碑

江端友

淮西功業冠皇唐，吏部文章
日月光。千載斷碑人膽炙，不
知世有段文昌。

題嚴陵釣臺

陳貫道

足加帝腹似病頑，詎肯折腰
求好官。明主莫將臣子待，故
人只作友朋看。

汀京紀事

劉子翬

空嗟覆餗誤前朝，骨折人間
罵未消。夜月池臺王傅宅，春
風楊柳相公橋。

雷萬春墓

范成大

九隕元身不隕名，言言千載

氣如生欲知忠信行蠻貊過
墓胡兒下馬行

長沙王墓

英雄轉眼逐東流百戰工夫
土一杯蒿麥茫茫花似雪牧
童吹笛上高邱

楚城

陸游

江上荒城猿鳥悲隔江便是
屈原祠一千五百年間事只
有灘聲似舊時

慈恩塔

憶在長安爛漫遊大明宮闕
與雲浮今朝偶上慈恩塔北
望芒芒未悉秋

岳武穆墓

元宋无

剡復神州指掌間永昌陵側
詔師還丹心一片栖霞月猶
照中原万里山

金陵懷古

宮甍賣盡雨崩牆首藉秋紅
滿夕陽玉樹後庭花不見此
人租地種茴香

博浪沙

陳孚

一擊車中膽氣豪祖龍社稷
已驚搖如何十二金人外猶
有民間鍊未銷

經杜樊川水榭故基

周砥

落花風裏酒旗搖水榭無人
春寂寥何許長亭七十五野
鶯烟樹綠迢迢

煙霞洞

丘處機

白石磷磷繞洞泉蒼松鬱鬱
鎖寒煙碧桃花發朱櫻秀別
是人間一洞天

滕王閣

僧晦幾

檻外長江去不回，檻前楊柳
後人栽。當時唯有西山在，曾
見滕王歌舞來。

詠爛柯山

明 張以寧

人說仙家日月遲，仙家日月
轉堪悲。誰將百歲人間事，只
換山中一局碁。

峴山

邊 貢

大樹蕭蕭白日寒，羊公祠下
獨凭欄。尋常一片山，青石長
使行人洒淚看。

經下邳

袁宏道

諸儒坑盡一身餘，始覺秦家
網目疎。枉把六經灰，火底橋
邊猶有未燒書。

樂遊原

徐 燾

荒原渺渺樹層層，立馬斜陽
問廢興。何處銷沈多感慨，秦

時遺殿漢諸陵

潯陽夜泊

方 文

微微秋月照江沙，兩岸楓林
蘆荻花。苦憶當年白司馬，不
知何處聽琵琶。

過彭澤縣

夏 寅

古樓寂寂枕江聲，五里荒山
二里城。彭澤到今更幾令，縣
人開口說淵明。

金陵舊院

蔣 超

錦繡歌殘翠黛塵，樓臺已盡
曲池湮。荒園一種瓢兒菜，獨
占秦淮舊日春。

次江東門懷古

徐元文

歌舞臺空跡已更，莫愁湖水
尚盈盈。英雄消歇知多少，紅
粉猶傳身後名。

過夷門

黃 雲

刀兵

五八

依舊夷門汴水濱由來豪傑
混風塵馬前莫漫輕閔吏恐
有當年侯姓人

過易水

王邦畿

地入幽州白日沈寒雲莽莽
水陰陰亦知匕首無成豈只
重荆軻一片心

古於陵城

徐夜

仲子城邊日向中田家饁畝
自西東高原雨脚牛羊外一
逕秋深豆葉風

曹操疑冢

查慎行

疑冢纍纍漳水頭如山七十
二高邱正平只有墳三尺十
古安眠鸚鵡洲

蘇堤口號

沈受宏

六橋遙帶兩峯孤烟水茫茫
舊宋都一向鄂王墳上拜回

頭不忍見西湖

淮陰侯祠

王言從

全身只合老漁竿苦愛炎劉
上將壇鳥盡弓藏多少恨荒
祠古木夕陽寒

籌筆驛

王廷魁

駐軍荒驛筆能籌將畧休輕
議武侯若使涪川星未墜銅
臺應是漢宮秋

黃梁夢盧生祠

無名氏

四十年中公與侯雖然只是夢
也風流哉今落魄邯鄲道要
替先生借枕頭

征伐類

從軍行

唐李白

百戰沙場碎鐵衣城南已合
數重圍突營射殺呼延將獨
領殘兵千騎歸

從軍行

王昌齡

騾馬新跨白玉鞍戰罷沙場
月色寒城頭鑊鼓聲猶震匣
裏金刀血未乾

青海長雲暗雪山孤城遙望

玉門關黃沙百戰穿金甲不

破樓蘭終不還

秦時明月漢時關萬里長征

人未還但使龍城飛將在

不教胡馬度陰山

大漠風塵日色昏紅旗半卷

出轅門前軍夜戰洮河北已

報生擒吐苦澀

琵琶起舞換新聲總是關山

離別情撩亂邊愁聽不盡高

高秋月照長城

從軍行

明舒章

十丈黃沙沒馬鞍健兒吹角
暮雲端可憐丹鳳樓前月夜
夜飛狐嶺上者

從軍行

清乾隆帝

三邊烽火照軍營十萬丁男
夜練兵但使腰間懸寶刀丈
夫何處不成名

沙漠風高列戍連寒侵行帳

不成眠狼山夜半聞新警披

甲爭聽號令傳

出塞行

唐王昌齡

白草原頭望京師黃河水流
無盡時秋天曠野行人絕馬
首東來知是誰

文選

出軍

戎昱

龍繞旌竿獸滿旗，翻營乍似
雲山移。中軍一隊三千騎，盡
是并州遊俠兒。

出閔

清徐蘭

憑山俯海古遼州，旆影風翻
見戍樓。馬後桃花馬前雪，出
關爭得不回頭。

塞下曲二首

唐常建

玉帛朝，田望帝鄉。烏孫歸去
不稱王，天涯靜處無征戰。兵
氣銷，為日月光。

北海陰風動地，來明君祠上。
望龍堆，鬪聽盡是長城。卒日
暮沙場飛，作灰。

塞下曲

王烈

紅顏歲歲老金微，沙磧年年
卧鐵衣。白草城中春不入，黃

花戍上雁長飛。

塞下曲

令狐楚

雪滿衣裳冰滿鬚，曉隨飛將
伐單于。平生意氣今何在，把
得家書淚似珠。

塞下曲

張仲素

三戍漁陽，再度遼。驛弓在臂，
箭橫腰。匈奴似欲知名姓，休
傍陰山更射鵝。

朔雪飄飄開雁門，平沙歷亂
捲蓬根。功名耻計擒生數，直
斬樓蘭報國恩。

塞下曲

僧皎然

寒塞無因見落梅，胡人吹入
笛聲來。勞勞亭上春應度，夜
夜城南戰未回。

塞下曲

宋嚴仁

漠漠孤城落照間，黃榆白葦

刀筆

後至

滿関山千枝卷笛連雲起知
是胡兒牧馬還

塞下曲 明薛蕙

日暮陰風吹鐵衣孤軍轉鬪
陷重圍虜中白骨行應朽樓
上紅粧尚憶歸

塞下曲 唐順之

青袍白馬紫金鞞不向沙場
便酒樓夜來一賭青錢盡尚
有囊中血鬪殘

塞下曲 屠隆

朝隨都護出行邊斬得胡頭
馬上懸萬里無人沙月白霜
前獨枕大刀眠

隴西行 唐陳陶

誓掃匈奴不顧身五千貂錦
喪胡塵可憐無定河邊骨猶
是春閨夢裏人

涼州詞 王翰

葡萄美酒夜光盃欲飲琵琶
馬上催醉卧沙場君莫笑古
來征戰幾人回

營州歌 高適

營州少年厭原野狐裘蒙茸
獵城下虜酒十鍾不醉入胡
兒十歲能騎馬

涼州詞 張籍

鳳林関裏水東流白草黃榆
六十秋邊將皆承主恩澤無
人解道取涼州

涼州詞 明胡侍

落日黃河水倒流沙場旌旆
風悠悠新降胡奴不解語笛
中吹出古涼州

邊詞 唐張敬忠

五原春色舊來遲二月垂楊

如字言遲

未掛絲即今河畔水開日正
是長安花落時

邊庭四時怨 盧 弼

春衣昨夜到榆關故國煙花
想已殘少婦不知歸未得朝
朝應上望夫山

盧龍塞外草初肥雁乳平燕
曉不飛鄉國近來音信斷至
今猶自著寒衣

朔風吹雪透刀瘢飲馬長城
窟更寒夜半火來知有敵一
時齊保賀蘭山

邊上聞胡笳 唐 杜 牧

何處吹笳薄暮天塞垣高鳥
沒狼煙行人一聽頭堪白蘇
武爭禁十九年

邊城春雪 明 王 越

二月邊城雪尚飛年年草色

見春遲不知上苑新桃李開
到東風第幾枝

磧中作 唐 岑 參

走馬西來欲到天辭家見月
兩回圓今夜不知何處宿平
沙萬里絕入烟

夜上受降城聞笛

田樂峯前沙似雪受降城外
月如霜不知何處吹蘆管一
夜征人盡望鄉

趙將軍歌

九月天山風似刀城南獵馬
縮寒毛將軍縱博場場勝賭
得單于貂鼠袍

河湟舊卒 張 喬

少年隨將討河湟頭白時清
返故鄉十萬漢軍零落盡獨
吹遺曲向殘陽

切聲特尾 和茂 三

文學詩選

凱歌

明沈明臣

銜枚夜度五千兵，密領軍符號令明。
狹巷短兵相接處，殺人如草不聞聲。

漢北詞

謝榛

石頭敵火炙黃羊，胡女低歌勸酪漿。
醉殺群胡不知夜，鷄兒山下月如霜。

雲中曲

李夢陽

黑帽健兒黃貉裘，匹馬追胡紫塞頭。
相逢不肯通名姓，但稱家住古雲州。

征夫怨

王野

黃雲白草沒燕山，百戰空存兩鬢斑。
不識征夫三十萬，幾人生入玉門關。

雁門作

清屈大均

三年作客傍滹沱，聽盡哀笳。

出塞歌，白髮不愁明鏡滿，秋霜只怨雁門多。

宮掖類

宮詞五首

唐王建

龍煙日暖紫瞳瞳，宣政門當玉殿風。
五刻閣前卿相出，下簾聲在半天中。

春風吹雨灑旗竿，得出深宮不怕寒。
誇道自家能走馬，園中橫過覓人看。

御厨不食索時新，每見花開即苦春。
白日卧多嬌似病，隔簾教喚女豎人。

供御香方加減頻，水沈山麝每回新。
內中不許相傳出，已被醫家罵與人。

宮掖詩

宮掖

冊

金吾除夜進，進難名畫袴朱衣，
四隊行院院，燒燈如白日，沈香火底坐吹笙。

宮詞

杜牧

銀燭秋光冷，畫屏輕羅小扇，
撲流螢，玉階夜色涼如水，卧看牽牛織女星。

宮詞

李商隱

君恩如水向東流，得寵憂移，
失寵愁莫向尊前奏，花落涼風只在殿西頭。

宮詞

段成式

二八能歌得進名，人言選入便光榮，
豈知妃后多嬌妬，不許君前唱一聲。

宮詞

宋 許安仁

輕寒慘慘透衾羅，玉箭銅壺漏水多，
常是未明供服侍，夢回頻問夜如何。

宮詞

劉克莊

一夜西風入碧梧，蟬聲永巷月明孤，
幾回夢裏羊車過，又是銀牀轉轆轤。

宮詞五首

花蓀夫人

春風一面曉妝成，偷折花枝傍水行，
却被內監遙覩見，故將紅豆打黃鶯。

侍女爭揮玉彈弓，金丸飛入亂花中，
一時驚起流鶯散，踏落殘花滿地香。

內庭秋宴玉池東，香散荷花水殿風，
阿監采菱牽錦纜，月明猶在畫船中。

太液浪清，水殿涼，畫船驚起宿鴛鴦，
翠眉不及池邊柳，取次飛花入建章。

釣練沈波漾彩舟，魚爭芳餌

上龍鈎內人急捧金盤接撥
刺紅鱗躍未休

宮詞

明王蒙

南風吹斷採蓮歌，夜雨新添
太液波。水殿雲廊三十六，不
知何處月明多。

宮詞

王廷相

雲髻蛾眉紫鳳笙，三千隊裏
獨分明。君恩莫作尋常看，一
別昭陽便隔生。

宮詞三首

謝榛

鸚鵡喚人池殿東，花間曉日
照金籠。繡簾不捲春將暮，嬾
向玉階掃落紅。

曉起慵妝眉黛殘，玉階芳艸
捲。簾看花間漫撲雙蝴蝶，宿
露偏沾翠袖寒。

院院黃花秋色濃，幾看青鏡

惜芳容。瓊牕忽夢金輿過，長
樂霜寒五夜鐘。

宮詞

陳薦夫

雖言逐隊向長門，十載何曾
識至尊。命薄不教人見妬，始
知無寵是君恩。

宮詞

徐勣

舞袖翩翩別樣裁，十年篋裏
不曾開。可憐自閉長門後，未
對春風舞一迴。

宮詞

朱讓栩

向暖嬉遊笑語歡，宮官忽道
過金鑿。傳呼聲急人皆避，盡
閉窻櫺紙隙看。

宮詞

朱有燾

御溝秋水碧如天，偶憶當年
事惘然。紅葉縱教能寄恨，不
知流得到誰邊。

宮中詞

唐朱慶餘

寂寂花持閉院門，美人相並立。
瓊軒含情欲說宮中事，鸚鵡前頭不敢言。

後宮詞

白居易

淚濕羅中夢不成，夜深前殿按歌聲。
紅顏未老恩先斷，斜倚熏籠坐到明。

後宮詞

杜牧

監宮引出暫開門，隨例須朝不是恩。
銀鑰却收金鎖合，月明花落又黃昏。

春宮曲

王昌齡

昨夜風開露井桃，未央前殿月輪高。
平陽歌舞新承寵，簾外春寒賜錦袍。

和樂天春詞

劉禹錫

新妝面面下朱樓，深鎖春光一院愁。
行到中庭數花朵，蜻蜒飛上玉搔頭。

漢宮詞

李商隱

青雀西飛竟未回，君王長在集靈臺。
侍臣最有相如渴，不賜金莖露一杯。

漢宮春曉

明徐燭

春明乘曉試新妝，玉輦花間出建章。
三十六宮都望幸，車聲先已向昭陽。

漢宮詞

潘緯

棄置長門鬢欲華，後宮又道選良家。
君恩好似三春雨，半為開花半落花。

長門怨

唐鄭谷

流水君恩共不回，杏花爭忍掃成堆。
殘春未必多烟雨，淚滴開階長綠苔。

幼學詩選

長門怨二首

劉媛

雨滴梧桐秋夜長，愁心扣雨到昭陽。
淚痕不學君恩斷，拭却千行更万行。
學畫蛾眉獨出群，當時人道便承恩。
經年不識君王面，花落黃昏空掩門。

西宮春怨

王昌齡

西宮夜靜百花香，欲捲珠簾春恨長。
斜抱雲和深見月，隴樹色隱昭陽。

長信春詞

孟遲

君恩已盡欲何歸，猶有殘香在舞衣。
自恨身輕不如燕，春來長遶御簾飛。

長信秋詞

王昌齡

真成薄命久尋思，夢見君王覺後疑。
火照西宮知夜飲，分明

明複道奉恩時

長信宮落花

明王恭

深宮花謝使人愁，片片隨風滿御溝。
妾命自憐花共薄，君恩那似水東流。

折楊柳

唐段成式

枝枝交影鎖長門，嫩色曾霏雨露恩。
鳳輦不來春欲盡，空留鶯語到黃昏。

老宮人

劉得仁

白髮宮娃不解悲，滿頭猶自挿花枝。
曾緣玉貌君王寵，準擬人看似舊時。

宮人斜

明謝杰

埋玉空山土一抔，落花飛盡水悠悠。
年年灑作杜鵑血，遺恨春風十二樓。

宮人斜

徐勣

宮人斜

宮人斜

如學詩選

空山冥冥夜沈沈多少芳魂

不可尋莫怨埋香在黃土長

門深似墓門深

不羨外郎

閨閣類

江南行

唐張潮

淡菰葉爛別西灣蓮子花開

猶未還妾夢不離江上水人

傳郎在鳳凰山

閨怨

王昌齡

閨中少婦不知愁春日凝妝

上翠樓忽見陌頭楊柳色悔

教夫婿覓封侯

青樓曲

馳道楊花滿御溝紅妝漫綰

上青樓金章紫綬千餘騎夫

婿朝回初拜侯

春夢

岑參

洞房昨夜春風起遙憶美人

湘江水枕上片時春夢中行

盡江南數千里

寫情

李益

水紋珍簟思悠悠千里佳期

一夕休從此無心愛良夜任

他明月下西樓

江南曲

于鵠

偶向江邊採白蘋還隨女伴

賽江神衆中不敢分明語暗

擲金錢卜遠人

浪淘沙詞

劉禹錫

鸚鵡洲頭浪颭沙青樓春望

日將斜銜泥燕子爭歸舍獨

自狂夫不憶家

竹枝詞

楊柳青青江水平聞郎江上

竹枝詞

白居易

唱歌聲東邊日出西邊雨道
是無情却有情

日出三竿春霧消江頭蜀客
繫蘭橈憑寄狂夫書一紙家
在成都万里橋

瞿塘嘈嘈十二灘此中道路
古來難長恨人心不如水等
閒平地起波瀾

秋夜曲

張仲素

丁丁漏水夜何長漫漫輕雲
露月光秋迫陰蟲通夕響寒
衣未寄莫飛霜

秋閨思二首

秋天一夜靜無雲斷續鴻聲
到曉聞欲寄征人問消息居
延城外又移軍

碧窓斜月滿深輝愁聽寒螿
淚濕衣夢裏分明見閨塞不

知何路向金微

閨怨

白居易

寒月沈沈洞房靜真珠簾外
梧桐影秋霜欲下手先知燈
底裁縫剪刀冷

閨婦

斜凭繡床愁不動紅綃帶緩
綠鬟低遼陽春盡無消息夜
合花前日又西

燕子樓二首

滿牕明月滿簾霜被冷燈殘
拂卧床燕子樓中霜月夜秋
來只為一人長

鈿暈羅衫色似煙幾回欲着
即潸然自從不舞霓裳曲疊
在空箱十一年

閨恨

許裴

手炷薰爐對月明回文機上

刀剪特疑

閨怨 平

暗生塵自家夫婿無消息却
恨槁頭賣卜人

閨情

孟遲

山上有山歸不得湘江暮雨
鷓鴣飛薜蘿亦是王孫艸莫
送春香入客衣

君不來

方干

遠路東西欲問誰寒來無處
寄寒衣去時初種庭前樹樹
已勝巢人未歸

春怨

韋莊

自有春愁正斷魂不堪芳草
思王孫落花寂寂黃昏雨深
院無人獨倚門

春女怨

朱絳

獨坐紗窗刺繡遲紫荊花下
轉黃鸝欲知無限傷春意盡
在停針不語時

怨歌

薛維翰

百尺朱樓臨狹斜新妝能唱
美人車皆言賤妾紅顏好要
自狂夫不憶家

寄人

張佺

酷憐風月為多情還到春時
別恨生倚柱尋思倍惆悵一
場春夢不分明

寄夫

陳玉蘭

夫戍邊閨妾在吳西風吹妾
妾憂夫一行書信千行淚寒
到君邊衣到無

留別

慎氏

當時心事已相闕兩散雲飛
一餉間便掛孤帆從此去不
堪重過望夫山

金縷衣曲

杜氏

勸君莫惜金縷衣勸君須惜

少年時花開堪折直須折莫
待花殘空折枝

遣侍兒朝華 宋秦觀

月露茫茫曉柝悲玉人揮手
斷腸時不須重向燈前泣百
歲終當一別離

為葛亞卿作 韓駒

君住江濱起畫樓妾居海角
送潮頭潮中有妾相思淚流
到樓前更不流

春詞 何橘潭

春色撩人睡不成笑牽郎手
下階行夜深簷外花陰轉一
半欄干無月明

寄衣曲 嚴仁

君戍交河春復冬寒衣到日
看親封莫嫌襟上斑斑色是
妾燈前滴淚縫

閨怨 彭友蘭

乳燕聲中滿眼春淚痕凝濕
縷金裙妾心只恨君歸晚不
恨當初錯嫁君

閨情 陳允平

閒拈花片貼紗窗繡幙斜飛
燕子雙細數歸期相次近倚
樓日日望春江

戍婦 羅公升

夫戍關西妾在東東西何處
望相從只應兩處秋宵夢萬
一關頭得暫逢

閨怨 葉元素

長安遊子誤歸期懶織回文
錦字詩約臂黃金寬一寸逢
久猶道不相思

束綾詩二首 蔣桃

一曲清歌一束綾美人猶自

意嫌輕不知織女寒窗下幾
度拋梭織得成
風勁衣單手屢呵幽窗軋軋
度寒梭臘天日短不盈尺何
似妖姬一曲歌

閨怨聞鶻

舒氏

杜鵑勸妾不如歸何似啼教
蕩子知郎若歸時還有妾妾
如歸否更依誰

哀被虜婦

聶碧窓

當年結髮在深閨豈料人生
有別離到底不知因色誤馬
前猶自買臙脂

竹枝詞

元丁鶴年

竹雞啼處一声声山雨來時
郎欲行蜀天恰似離人眼十
日都無一日晴

月下裁衣

明陳繼

香幃風捲月團圓睡起裁衣
思万端秋葉未紅金剪冷玉
門闌外不勝寒

閨怨

清董以寧

流蘇空繫合歡床夫婿長征
妾斷腸留得當時臨別淚經
年不忍浣衣裳

春閨

駱綺蘭

春寒料峭乍晴時睡起紗窓
日影移何處風箏吹斷線飄
來落在杏花枝

女郎詞

胡氏慎容

相呼同伴到簾幃偷看新來
客是誰又恐被人先瞥見却
從紈扇隙中窺

如夢詩選

歌曲類

明妃曲二首 唐 儲光羲

胡王知妾不勝悲，樂府皆傳
漢國辭朝來馬上，篋篋引稍
似宮中閑夜時。

日暮驚沙亂雪飛，傍人相勸
易羅衣。強來前殿看歌舞，共
待單于夜獵歸。

明妃曲 許沈甫

馬背東風去路賒，幾多幽意
寄琵琶。妾身若是能傾國，盡
捲胡沙入漢家。

明妃曲 楊達

漢國明妃去不還，馬駝絃管
向陰山。匣中縱有菱花鏡，羞
對單于照舊顏。

明妃曲 明 李攀龍

青海長雲万里秋，琵琶一曲

淚先流。六宮多少良家女，不
到沙場不解愁。

明妃曲 清 劉猷廷

漢主曾聞殺畫師，畫師何足
定妍媸。宮中多少如花女，不
嫁單于君不知。

明妃曲 諸廷槐

蛾眉宛轉欲銷魂，一曲琵琶
雙淚痕。不到陰山冰雪地，那
知水巷是君恩。

明妃曲 徐增

琵琶觸手淚沾巾，馬背西風
捲地塵。愁向李陵墳畔過，可
憐俱是漢家人。

昭君怨 唐 汪遵

漢家天子鎮寰瀛，塞北羌胡
未罷兵。猛將謀臣徒自貴，娥
眉一笑塞塵清。

四聲詩選 哥曲 雷

女學詩選

鮮昭君怨

王叡

莫怨工人醜畫身，莫嫌明主
遣和親。當時不作閼氏去，祇
是宮中一舞人。

烏孫公主歌

明陳鳴鶴

生長深宮未出門，九千里外
嫁烏孫。一聲胡角空回首，何
處天邊是故園。

少年行

唐王維

出身仕漢羽林郎，初隨驃騎
戰漁陽。孰知不向邊庭苦，縱
死猶聞俠骨香。

新豐美酒斗十千，咸陽遊俠
多。少年相逢意氣為君飲，繫
馬高樓垂楊邊。

少年行

李白

五陵年少金市東，銀鞍白馬
度春風。落花踏盡遊何處，笑

入胡姬酒肆中

少年行

令狐楚

弓背霞明劍照霜，秋風走馬
出咸陽。未收天子河湟地，不
擬回頭望故鄉。

少年行

吳象之

承恩借獵小平津，使氣常遊
中貴人。一擲千金渾是膽，家
徒四壁不知貧。

少年行

明高啓

下直平明出禁門，提携博局，
伴王孫。寶刀不敢輕輸却，明
日沙場欲報恩。

少年行

王毓德

裝成七寶匣，興鉤笑擁吳姬，
走馬遊。半醉直衝馳道過橫
鞭，遙揖富民侯。

少年行

徐勣

少年行

王

如學詩

朝入平康暮酒樓千金寶劍
百金裘醉來走馬長安道不
肯傳鞭避五侯

少年行

趙世顯

紫駟玉勒控青絲挾彈花間
歸去遲雲錦夜遊歌越女桃
花春帳擁吳姬

少年行

清彭源

下馬同傾酒一樽侍兒匕首
擘蒸狔生平不着黃金甲醉
袒貂裘數箭痕

公子行

唐孟賓于

錦衣紅奪彩霞明侵曉春遊
向野庭不識農夫辛苦力驕
驄躡爛麥青青

采蓮曲

白居易

菱葉紫波荷颭風荷花深處
小船通逢郎欲語低頭笑碧

玉搔頭落水中

采蓮曲

明謝榛

湖上西風吹綺羅靚妝越女
照清波折將蓮葉佯遮面擢
過前灘笑語多

怨歌行

長夜生寒翠幕低琵琶別調
為誰悽君心無定如明月纔
照樓東復轉西

歎乃曲

唐次山

湘江三月春水平滿月和風
宜夜行唱撓欲過平陽戍守
吏相呼問姓名

文學詩選

詠古類

詠史

宋文同

不得榮陽遂失秦始知成敗
盡由人可憐一擲贏天下只
使黃金四萬斤

詠史

明唐寅

宋朝受命政維新魏國稱為
社稷臣空使終年讀論語如
何不做托孤人

詠史

清陸次雲

儒冠儒服委邱墟文采風流
化土苴尚有陸生阼不盡留
他馬上說詩書

讀史有感

郁植

兵壓邯鄲氣欲吞時危公子
下監門滿堂珠履三千客朱
亥從來未受恩

結襪子

唐李白

燕南壯士吳門豪筑中置鉛
魚隱刃感君恩重許君死秦
山一擲輕鴻毛

晏嬰

明高啓

一裘身着久經年祿米分炊
幾戶烟盡說大夫能養士却
於尼叟惜封田

屈原

清乾隆帝

千秋遺恨楚江濱宗社將傾
敢惜身何事承平漢文代長
沙偏欲學斯人

薊子訓

宋陸游

世上年光東逝波咸陽銅狄
幾摩挲神仙不死成何隻只
向秋風感慨多

讀秦記

蕭汛之

築了連雲万里城春風絲管
醉中地凍涼六藉寒灰裡宿
渴咸陽火一星

勿忘守尾

蘇古

文學言選

讀秦記

清陳恭尹

謗聲易弭怨難除秦法雖嚴
亦甚疎夜半橋邊呼孺子人
間猶有未燒書

秦始皇

朱瑄

徐市樓船竟不還祖龍旋已
葬驪山蓬萊覓得長生藥眼
見諸侯盡入關

虞姬

明朱靜菴

力盡重瞳霸氣消楚歌声裏
恨迢迢貞魂化作原頭草不
逐東風入漢郊

賈生

唐李商隱

宣室求賢訪逐臣賈生才調
更無倫可憐夜半虛前席不
問蒼生問鬼神

劉伯倫

清汪紹焯

生死窮通附錄醜婦言雖好
不須聽利名役真成醉只
有先生是獨醒

感天寶事

黃宗臣

青瑣如烟御柳斜承恩輦路
及誰家居延城外無春草羯
鼓猶催上苑花

楊妃

宋真山民

三郎掩淚馬嵬坡生死恩深
可奈何瘞玉驛傍何足恨潼
關戰骨不埋多

楊妃機

曾原一

萬騎西行駐馬嵬凌波曾此
墮塵埃誰知一掬香羅小
轉開元宇宙來

農桑類

宋氏林亭

唐薛能

地濕莎青雨後天，桃花紅近竹林邊。行人本是農桑客，記得春深欲種田。

蠶婦

曉夕採桑多苦辛，好花時節不關身。若教解愛繁華，莫凍殺黃金屋裏人。

春日田家

宋歐陽修

綠桑高下映平川，賽罷田神笑語喧。林外鳴鳩春雨歇，屋頭初日杏花繁。

田家

鄭獬

田家汨汨水流湓，一樹高花明遠村。雲意不知殘照好，却將微雨送黄昏。

山村

蘇軾

竹籬茅屋趁谿斜，春入山邨處處花。無象太平還有象，孤煙起處是人家。

插秧

范成大

種密移疎綠毯平，行間清淺穀紋生。誰知細細青青草，中有豐年擊壤聲。

四時田園雜詠

柳花深巷午雞聲，桑葉尖新綠未成。坐睡覺來無一事，滿窗晴日看蠶生。

步屐尋春有好懷，雨餘蹄道水如盃。隨入黃犬攬前去，走到溪橋忽自回。

蝴蝶雙雙入菜花，日長無客到田家。雞飛過籬犬吠竇，知有行商來賣茶。

社下燒錢鼓似雷，日斜扶得

醉翁回青枝滿地花狼藉知
是兒孫鬪草來

種園得果僅償勞不奈兒童
鳥雀搔已挿棘針樊笥徑更
鋪漁網蓋櫻桃

黃塵行客汗如漿少住儂家
漱井香借與門前盤石坐柳
陰亭午正風涼

靜看檐蛛結網低無端妨礙
小蟲飛蜻蜓倒挂蜂兒窠催
喚山童為鮮圍

朱門乞巧沸歡聲田舍黃昏
靜掩扃男鮮牽牛女能織不
須邀福渡河星

采菱辛苦廢犁鉏血指流丹
鬼質枯無力買田聊種水近
未湖面亦收租

松節燃膏當燭籠凝煙如墨
暗房攏晚來拭淨南牕紙便
覺斜陽一倍紅

顏橋道中

村村籬落總新修處處田疇
盡有秋一段農家好風景稻
堆高出屋山頭

桑茶坑道中二首 楊万里
蠶弊今歲十分強催得農家
日夜忙已縛桁竿等新麥更

將了木撐歌桑
清明風日雨乾時草滿花堤
水滿溪童子柳陰眠正着一
牛喫過柳陰西

憫農

稻雲不雨不多黃蕎麥空花
早着霜已分忍飢度殘歲不
堪歲裏閏添長

農桑

陸游

采桑蠶婦念蠶飢，陌上忽忽負籠歸。却羨鄰家下湖早，畫舫青繖去如飛。

農舍二首

三農雖隙亦匆忙，稼事何曾一夕忘。欲驅胡麻愁屢雨，未收蕎麥怯新霜。神農之學未為非，日夜勤勞備歲飢。雨畏禾頭蒸耳出，潤憂麥粒化蛾飛。

鄰曲有未飯，被追入郭者。

惘然有作

春得香秬摘，綠葵縣符急。急不容炊，君玉日御金華殿。誰誦周家七月詩。

秋懷二首

園丁傍架摘黃瓜，村女沿籬采碧花。城市尚餘三伏熱，秋

光先到野人家。

桑竹成陰不見門，牛羊分路各歸邨。前山雨過雲無迹，別浦潮回岸有痕。

盱江途中

劉仙倫

過雨青山啼杜鵑，池塘水滿柳飛綿。田家正是忙時節，女采桑，歸男下田。

新春喜雨

徐璣

農家不厭一冬晴，歲事春來漸有声。昨夜新雷催好雨，蔬畦麥隴最先青。

村景即事

翁卷

綠遍山原白滿川，子規声裏雨如煙。鄉村四月閑人少，纔了蠶桑又插田。

農桑二首

朱繼方

裹飯驅兒候，晚耕塍泥滑滑。

不堪行如何說得農家苦雨
笠風蓑過一生

婦鎰夫耕日向長
確聲嗚咽宿春糧
尋思一飯何時飽
秧種青青麥未黃

農謠

方岳

漠漠餘香着草花
森森柔綠長桑麻
池塘水滿蛙成市
門巷春深燕作家

春旱

劉克莊

清明未雨下秧難
小麥低低似剪殘
窮巷蕭然唯飲水
家童忽報井源乾

久旱

賜烏下飲百川空
民自祠龍禱社公
豈是長官渾忘却
水車聲不到城中

蠶婦

謝枋得

子規啼徹四更時
起視蠶稠怕葉稀
不信棹頭揚柳月
玉人歌舞未曾歸

勸農

陳自齋

清曉松間喝道聲
勞煩父老出郊迎
卧廬應有高人笑
自不歸耕却勸耕

寄題高大清東村

僧道璨

浮花浪蕊易飄零
看著桑麻眼便青
荷錦歸來春晝永
紫頭重讀相牛經

邨行

金郭邦彥

棗花初落路塵香
燕掠麻池乍頡頏
一片雲陰遮十頃
賣瓜棚下午風涼

邨居

元周權

疎竹人家短短牆
綠陰深處

名詩言

水邨涼山風吹斷巖前雨高
樹蟬聲正夕陽

涿南見蠶婦木汗梁貴家

楊真

蠶月何曾出後堂干戈流落
客他鄉羅衣着盡無人問自
把荆籃摘野棠

村園 金涓

半畝村園接水涯誅茅新構
小書齋窓前不用栽花柳只
對青山景自佳

村家 明王恭

楓林草屋半蒼苔寂寂柴扉
映竹開啼鳥數聲春自好五
陵年少不曾來

夏日田家雜興 王世懋

草席繩床夜不眠晚涼新浴
坐青天月明一片禾頭露看

作長堤十里烟

秋日題田家壁 鄭渭

一水廻村小徑長數家茅屋
陰柴桑野田刈盡秋郊鷺籬
雀群飛滿夕陽

過村家 樊阜

細莎邨路繞山斜澗水西頭
一西家桑柘葉乾鳩雨歇茅
檐索索響繅車

春日田家 朱真澹

屋後青山門外溪小橋遙接
稻秧畦人家遠近蒼烟裏桑
柘陰陰戴勝啼

田間 清王舟次

小婦扶犁大婦耕隴頭一樹
有鶯鳴兒童不解春何在只
向遊人多處行

東湖曲 朱彝尊

初學詩

農集

鱸鄉蟹舍說豐年，秋稻東湖熟最先。一雨新晴纔獲日，家家門外送租船。

田家樂

汪繹

短籬矮屋板橋西，十畝桑陰接稻畦。滿眼兒孫滿簷日飯香，時節午雞啼。

即事

高珩

井欄綠滿蒲萄葉，籬落紅垂扁豆花。窻下蔬畦駭客圍，門前樵迳野人家。

田家樂

陳授衣

兒童下學慙比隣，拋壻池塘日幾巡。折得松枝當旗纛，又來呵殿學官人。

圖畫類

題畫

宋 陳與義

分明樓閣是龍門，亦有溪流曲抱村。萬里家山無路入，十年心事與誰論。

題畫

明 張弼

江上新涼霽色開，綠雲深樹見樓臺。老漁未肯拋蓑笠，還恐輕雷送雨來。

題畫

宗周

孤松百尺挂垂藤，雲際高峯十二層。日暮烏啼山寺遠，野橋流水獨歸僧。

題畫

僧大圭

積雨平原烟樹重，翠崖千丈削芙蓉。招提更在秋雲外，只許行人聽曉鐘。

題畫

清馮班

文學

長板橋南舊酒樓昔年曾此
記航籌主人莫訝容顏老已
到秦淮十度遊

題画 惠椿亭

誰家亭子碧山巔白板橋通
屋幾椽遠樹層層山半角杖
藜人立夕陽天

題画 僧超源

春浦風生柳岸斜好山何處
着人家白雲遮斷橋西路不
許漁郎問落花

題米南宮畫 元 郊 韶

風流不見米南宮依舊雲林
遠樹重貌得匡廬舊游處半
江秋色洗芙蓉

題半山道人画 明 方 文

一着袈裟絕万緣猶餘破硯
習難捐江山本是無情物寫

到荒殘亦可憐

題王翬画 清 朱彝尊

帝城日日足風霾眯眼黃塵
漲六街對此溪山最清絕便
思衝雨蹋櫻鞦

為愚山侍講題嚴蓀友画

山氣化雲雲作煙幽人蓑笠
不知年清溪曲逐楓林轉紅
葉無風落滿船

題画卷 明 張 適

青山歷歷樹重重寺在雲深
第幾峰比屋人家西崦下夕
陽長聽講時鐘

題画山水 元 倪 瓚

秋潮夜落空江渚曉樹離離
含宿雨伊軋中流聞橹声卧
聽漁人隔烟語

山水圖 明 文徵明

初學詩

圖

五

轟轟青山帶白雲夕陽雞犬
數家村江空不遣漁郎到落
盡桃花自掩門

山水圖

林環

青山幾里入煙霞杖屨尋春
未覺賒流水小橋村路晚隔
林應有野人家

山水圖

僧宗泐

危峰削玉出雲端仙館霜清
古木寒記得匡廬秋雨後彭
郎湖上倚蓬看

題山水

趙迪

江上千峰紫翠浮松門苔迳
映清流茅堂雨絕湘簾暝卧
聽空山一夜秋

題山水小畫

程本立

太湖三萬六千頃七十二峰
湖上山草閣酒醒風雨過碑

歌聲在水雲間

題稚川山水

唐戴叔倫

松下茅亭五月涼汀沙雲樹
晚蒼蒼行人無限秋風思隔
水青山似故鄉

題陸芙蓉山水

清王元勳

浪跡頻年賦遠遊湖山佳處
輒勾留披圖却憶辰州道殘
夜泉聲響竹樓

臺中寓直晨覽蕭侍御壁

畫山水

唐羊士諤

蟲思庭莎白露天微風吹竹
曉淒然今來始悟朝回客暗
寫歸心向石泉

出都王山人畫山水送別

清朱彝尊

王郎五載一相逢寫出雲巒
別思重髣髴攝山風月夜秋

如學詩選

窓同聽六朝松

題小景

明劉泰

隔岸峯巒過雨新，桃花水暖碧潏潏。誰家艇子閑來往，只載春光不載人。

題小景

陳蒙

野藤刺水竹籬斜，落盡東風枳殼花。日午不聞茶臼響，春城買藥未還家。

雲林畫山水竹石

元華幼武

秋雲無影樹無聲，湛湛長江鏡面平。遠岫煙銷明月上，小亭危坐看潮生。

青山白雲圖

黃潛

十年失脚走紅塵，忘却山中有白雲。忽見畫圖疑是夢，冷花涼葉思紛紛。

題米南宮雲山圖

宋魏了翁

漠漠雲林疊疊山，誰家茅屋隱松間。石橋雨過天台遠，采藥仙人去未還。

郭熙秋山平遠

蘇軾

目盡孤鴻落照邊，遙知風雨不同川。此間有句無人識，送與襄陽孟浩然。

題周文翰郭熙山水

張耒

洞庭葉落萬波秋，說與南人亦自愁。指點吳江何處是，一行鴻雁海山頭。

寒村雪暮圖

宋吳師道

木杪栖鴉影已殘，沙邊落雁雪猶寒。江南江北曾行路，今日山窓借畫看。

初學詩選

四

五

書惠崇春江曉景圖

蘇軾

竹外桃花三兩枝，春江水暖鴨先知。
蒹葭滿池蘆芽短，正是河豚欲上時。

書李世南所畫秋景

野水參差落漲痕，疎林歌倒出霜根。
扁舟一棹歸何處，家在江南黃葉村。

題漢村煙雨圖

元 郊 韶

山雨朝來不作泥，望中煙霧使人迷。
依稀絕似羗村路，無數春船逆上溪。

寄石田先生

明 失 名

寄將一幅剡溪藤，江面青山畫幾層。
筆到斷崖泉落處，石邊添箇看雲僧。

宋徽宗雪江獨棹圖

僧宗泐

良岳秋深，百卉彫胡，塵吹滿空。
龍衣淒涼，五國城邊，路得似寒江獨棹，歸。

過鶴汀書齋觀董文敏畫

清 李基和

曉雨初晴，烟未收，江雲一帶引輕舟。
模糊認得南徐樹，不似到家山。十六秋。

為朱蘊泉題杏花春雨圖

舒 瞻

淺深春色幾枝含，翠影紅香半欲酣。
簾外輕陰人未起，賣花聲裏夢江南。

題建溪圖

唐 方 干

六幅輕綃畫建溪，刺桐花下路高低。
分明記得曾遊處，祇欠猿聲與鳥啼。

文
學
言
選

朱陳村圖

宋 蘇軾

我是朱陳舊使君，勸耕曾入杏花村。而今風物那堪畫，縣吏催錢夜打門。

觀明州圖

王安石

明州城郭畫中傳，尚記西亭一艤船。投老心情非復昔，當時山水自依然。

題范才元湘江喚舟圖

朱松

天涯投老鬢驚秋，夢想長江碧玉流。忽對畫圖揩病眼，失聲便欲喚歸舟。

題茗溪漁隱圖

胡仔

溪邊短短長長柳，波上來來去去船。鷗鳥近人渾不畏，一雙飛下鏡中天。

卷起綸竿，撇擻歸短篷斜掩。

宿漁磯日高春睡無人喚，擦亂楊花繞夢飛。

題三茅風雨圖

蔡肇

筆間雲氣生毫末，紙上松聲聽有無。收得三茅風雨樣，高堂六月是水壺。

題漢宮圖

明 羅倫

白蛇中斷赤旗開，四百年中夢兩回。惟有終南舊山色，雨餘猶自送青來。

桃源圖

薛蕙

溪上春風笑語溫，溪頭春水漲新痕。中原逐鹿人誰在，桃葉桃花自一村。

題淵明像

元 林景清

南山秋色滿東籬，彭澤歸來鬢未絲。白酒黃花聊自足，扶筇絕勝折腰時。

切
學
詩
集

四
元

五
元

松下洲明圖

僧良琦

謝安却為蒼生起陶令可辭
印綬廻若使生逢聖明世青
松老盡不歸來

明皇打毬圖

宋晁說之

宮殿千門白晝開三郎沈醉
打毬回九齡已老韓休死明
日應無諫疏來

題馬遠竹溪吟奕圖

元陶宗儀

好詩應向過橋成逸興還從
對局爭此日山林無一事竹
香細細晚風清

東坡赤壁圖

鄭允端

老瞞雄視欲吞吳百萬樓船
一炬枯留得清風明月在網
魚謀酒付髯蘇

題揚妃上馬圖

宋韓駒

翠華將幸長生殿立馬樓前
待貴妃尚覓君王一回顧金
鞍欲上故遲遲

避暑圖

元黃潛

一邱一壑古遺民十里清風
不屬人閑對青山揮羽扇世
間何物是紅塵

俠客圖

宋陸游

趙魏胡塵十丈黃遺民膏血
飽豺狼功名不遺斯人了無
奈和我白面郎

題蠶婦圖

明趙雙硯

蠶未成絲葉已無鬢雲撩亂
粉痕枯宮中羅綺輕如布爭
得王孫見此圖

題老嫗騎牛吹笛圖

范氏

玉環賜死馬嵬坡出塞昭君

女學詩選

怨更多爭似阿婆牛背穩
笛中吹出太平歌

背面美人圖 宋樓鑰

睡起昭陽暗淡粧
不知緣底背斜陽
若教轉盼一回首
三十六宮無粉光

宮女圖 明高啓

女奴扶醉踏蒼苔
明月西園侍宴回
小犬隔花空吠影
夜深宮禁有誰來

仕女春繡圖 楊基

風送楊花滿繡床
飛來紫燕亦雙雙
閑情正在停針處
笑嚼殘絨唾碧牕

和張矩臣水墨梅 宋陳與義

自讀西湖處士詩
年年臨水看幽姿
暗窻畫出橫斜影
絕

勝前村夜雪時

墨梅 陳簡齋

粲粲江南萬玉妃
別來幾度見春歸
相逢京洛渾依舊
唯恨緇塵染素衣

宋徽宗畫半開梅 明張廸

上皇朝罷酒初酣
寫出梅花蓋半含
惆悵汗宮春去後
一枝流落到江南

詠物類

夕陽 唐韓偓

花前灑淚臨寒食
醉裏迴頭問夕陽
不管相思人老盡
朝朝容易下西牆

春月 金呂中孚

切學詩選

國朝詩選

柳塘漠漠暗啼鴉一鏡晴飛
玉有華好是夜闌人不寐半
庭寒影在梨花

八月十四夜 宋 孫復

銀漢無聲露暗垂玉蟾初上
欲圓時清樽素瑟宜先賞明
夜陰暗未可知

十五夜望月 唐 王建

中庭地白樹栖鴉零露無聲
濕桂花今夜月明人盡望不
知秋思在誰家

中秋月 宋 蘇軾

暮雲收盡溢清寒銀漢無聲
轉玉盤此生此夜不長好明
月明年何處看

中秋無月 宋 范成大

撲地痴雲欲萬重家家簾幙
護房櫳世間第一無情物誰

似中秋雨與風

中秋無月 金 元敏之

佳辰無物慰相思先賞空吟
昨夜詩莫怪更深仍坐待密
雲或有暫開時

秋風 清 吳若華

滿耳蕭聲夢不成殘雲涼月
夜淒清等閒吹落長林葉雜
入千家擣練聲

風止 宋 范成大

收盡狂飈卷盡雲一竿暗日
曉光新柳魂花魄都無恙依
舊商量作好春

雲 唐 朱鵠

千形萬象竟還空映水藏山
片復重無限早苗枯欲盡悠
悠閑處作奇峰

孤雲 唐 張喬

舒卷因風信，所之碧天孤影。
勢遲遲，莫言長是無心，物還
有隨龍作雨時。

夏雲

宋 僧奉忠

如峯如火復如綿，飛過微陰
落檻前。大地生靈乾欲死，不
成霖雨，謾遮天。

曉霧

楊萬里

不知香霧濕人鬚，日照鬚端
細有珠。政是春山眉樣翠，被
渠淡粉，作糊塗。

水村霧

葛長庚

淡處還濃，綠處青江風吹作
雨毛，腥起從水面，縈層嶂，恍
似簾中見畫屏。

雨

唐 杜牧

連雲接塞，添迢遞，灑暮侵燈。
送寂寥，一夜不眠，孤客耳主

人窗外有芭蕉

春雨

宋 楊萬里

却是春殘景更佳，詩人須記
許生涯。平田漲綠，村村麥嫩，
水浮紅岸，岸花

長安春雨

唐 羅鄴

兼風颯颯灑皇州，能滯輕寒
阻勝遊。半夜五侯池館裏，美
人驚起為花愁。

雷雨

宋 劉克莊

海激天翻，電噴蒼空，十丈
劈為薪。須臾龍卷，他山去，誤
煞田頭望雨人。

初秋暮雨

楊萬里

禾穉輕黃尚淺青，村春已報
隔林聲。忽驚暮色翻成曉，仰
見雙虹，雨外明。

秋雨

濕侵團扇，不能輕冷。逼孤燈，分外明。蕉葉半黃，荷葉碧兩般。秋雨一般聲。

雨意

宋 鄭清之

雲頭點地黑如黥，雨脚粘天未肯飛。待得風師來判斷，一齊併作晚涼歸。

夜雪

蘓軾

石泉凍合，竹無風。夜色沉沉，萬境空。試向靜中閑側耳，隔窗撩亂撲飛蟲。

夜雪

清 張實居

斗室香添小篆煙，一燈靜對似枯禪。忽驚夜半寒侵骨，流水無聲山皓然。

雪中偶題

唐 鄭谷

亂飄僧舍茶煙濕，密灑歌樓酒力微。江上晚來堪畫處，漁翁披得一蓑歸。

翁披得一蓑歸

泉

崔塗

遠辭巖竇瀉潺湲，靜拂雲根別故山。可惜寒聲留不得，旋添波浪向人間。

小池

宋 楊万里

泉眼無聲澀細流，樹陰照水愛晴柔。小荷纔露尖尖角，早有蜻蜒立上頭。

題韋家泉池

唐 白居易

泉落青山出白雲，縈村繞郭幾家分。自從引作池中水，深淺方圓一任君。

和茅山高拾遺山泉

儲嗣宗

香味清機仙府回，縈紆亂石便流盃。春風莫泛桃花去，恐引漁人入洞來。

物類詩集

詠物 卷五

漁莊

明李瓚

織織新月上簾鉤，楓葉蘋花
隔水秋。一曲清歌來送酒，雙
鬟小妓木蘭舟。

溪聲

清趙俞

結廬何日住深山，竹月松風
相對閑。却笑溪聲忙底事，奔
流偏欲到人間。

老將

黃宗臣

百戰曾騎汗血駒，專征方里
度龍沙。玉關生入頭如雪，風
雨悲歌劇孟家。

羽林騎

唐韓翃

駿馬牽來御柳中，鳴鞭欲向
渭橋東。紅蹄亂踏春城雪，花
領驕嘶上苑風。

獵騎

杜牧

已落雙鵝血，尚新鳴鞭走馬

又翻身憑君莫射南來雁，恐
有家書寄遠人。

漁父

陸龜蒙

雨後沙虛古岸崩，魚梁移入
亂雲層。婦時月墮汀洲暗，認
得妻兒結網燈。

漁父

宋游次公

竹裏茅茨竹外溪，粼粼白石
護漁磯。想應日日来垂釣，石
上蓑衣不帶歸。

漁父

明高准

撒網移舟碧浪中，一蓑一笠
任西風。生平自得煙波興，醉
卧蘆花月滿缸。

漁翁

唐柳宗元

漁翁夜傍西巖宿，曉汲清湘
燃楚竹。煙消日出不見人，欸
乃一聲山水綠。

漁翁

宋 葉唐卿

籃裏無魚欠酒錢，酒家門外
繫漁船。幾回欲把蓑衣當，又
恐明朝是雨天。

淮上漁者

唐 鄭谷

白頭波上白頭翁，家逐船移
浦浦風。一尺鱸魚新釣得，兒
孫吹火荻蘆中。

牧童

宋 闕名

草鋪橫野六七里，笛弄晚風
三四聲。歸來飽飯黃昏後，不
脫蓑衣卧月明。

牧童

清 薛龍光

藉草眠莎任自由，煙蓑雨笠
不閑愁。日斜橫笛穿林去，倒
跨烏犍過渡頭。

村女

元 方回

青荷葉傘茜裙紅，隨母歸寧
省外翁。莫笑梳粧未京樣，兵
餘猶見太平風。

賣薪女

唐 白居易

亂蓬為鬢布為巾，曉踏寒山
自負薪。一種錢塘江畔女，著
紅騎馬是何人。

貧女

宋 朱繼芳

燈下穿針影伴身，嬾將心更
訴諸親。阿婆許嫁無消息，芍
藥花開又一春。

貧女

王 禹

難把菱花照素顏，試臨春水
插花看。木蘭船上遊春子，笑
指荊釵下遠灘。

上竿伎

晏 殊

百尺竿頭裊裊身，脚騰跟倒
駭傍人。漢陰有叟君知不，抱
甕區區亦不貧。

觀繩伎

清 俞倉石

一線騰身險復安，往來不厭
幾回看笑他着脚，寬平者行
路如何尚說難。

傀儡

唐 玄宗

刺木牽絲作老翁，鷄皮鶴髮
與真同，須臾弄罷，寂無事，還
似人生一夢中。

鶴

唐 褚載

欲洗霜翎，下澗邊，却嫌菱刺
污香泉，沙鷗浦雁應驚訝，一
舉扶搖直上天。

獨鶴

韋 莊

夕陽灘上立，徘徊紅蓼風前，
雪翅開應為不知棲宿處，幾
回飛去又飛來。

失鶴

陸龜蒙

養汝由來歲月深，籠開不見

意沉沉，想應只在秋江上，明
月蘆花何處尋。

架鷹

崔 鉉

天邊心膽架頭身，欲擬飛騰
未有因，万里碧霄終一到，不
知誰是解條人。

早雁

明 高 棟

涼霜八月塞天寒，飛度衡陽，
楚水寬，少婦樓頭初掩瑟，一
行先向夕陽看。

歸 雁

唐 錢 起

瀟湘何事等閑回，水碧沙明，
兩岸苔，二十五絃彈夜月，不
勝清怨却飛來。

鴛鴦

吉 師 老

江島濛濛煙靄微，綠蕪深處
刷毛衣，渡頭驚起一雙去，飛
上文君織錦機。

公詩言選

鷺

宋 趙希真

漠漠江湖自在飛，一身到處
占漁磯。稻田水淺魚能幾，枉
被泥沙汙雪衣。

鷺鷥

唐 鄭谷

閑立春塘煙淡淡，靜眠寒葦
雨颼颼。漁翁歸去沙汀晚，飛
下灘頭更自由。

放鷺鷥

李中

地塘多謝久淹留，長得霜翎
放自由。好向蒹葭深處去，月
明應認舊江秋。

燕

宋 劉克莊

野老柴門日日開，且無欄檻
礙飛迴。勸君莫入珠簾去，羯
鼓如雷打出來。

新燕

元 張弘範

海棠開後月黃昏，王謝樓臺

寂寂春柳外，東風花外雨香
泥高壘畫堂新。

新燕

明 王恭

海燕雙雙下柳塘，主家臺榭
已荒涼。玉聰綉戶春雲外，不
忍翻飛過別牆。

歸燕下第後獻主司

唐 章孝標

舊壘危巢泥已落，今年故向
社前歸。連雲大厦無棲處，更
遠誰家門戶飛。

子規

羅鄴

蜀魄千年尚怨誰，嗚聲啼血
染花枝。滿山明月東風夜，正
是愁人不寐時。

子規

李中

暮春滴血一聲聲，花落年年
不忍聽。帶月莫啼江畔樹，酒

初學詩

詠物

五六

醒遊子在離亭

子規

杜荀鶴

楚天空濶月成輪蜀魄声声似告人啼得血流無用處不如緘口過殘春

聞子規

宋楊万里

花愁月恨只長啼雨夕風晨不住飛自出錦江歸未得至今猶勸別人歸

夜聞子規

朱熹

空山初夜子規鳴靜對琴書百慮清喚得形神兩超越不知底是斷腸声

畫眉鳥

宋歐陽脩

百轉千声任意移山花紅紫樹高低始知鎖向金籠聽不及林間自在啼

画眉鳥

文同

盡日間惺坐好風一声初聽下高篔公庭事簡人皆散如在千岩万壑中

凍鳧

元貢性之

江天歲晚景凄凄雲脚低垂望欲迷水鳥畏寒飛不起黃蘆枝上並頭棲

翠禽

宋王復之

擺弄風前翠羽衣小魚剽掠費心機平生不解窺江海長向汚池來去飛

十二紅

明楊基

何處飛來十二紅万年枝上立東風楚王宮殿俱零落說盡春愁細雨中

寒雀

宋楊万里

百千寒雀下空庭小集梅梢語晚晴特地作團喧煞我忽

如學詩選

然驚散寂無聲

咏馬

唐 唐彦謙

峻嶒高聳骨如山，遠放春郊
首着，間百戰沙場汗流血，夢
魂猶在玉門關。

馬

宋 程致道

誰遣生駒玉作鞍，春來首着
徧春山，自知不入黃麾仗，振
鬣長鳴出帝關。

桃花馬

元 胡炳文

望夷宮裡失天真，走入桃源
避虐秦，背上落紅吹不散，至
今猶帶武陵春。

老馬

明 王恭

百戰沙場老此身，長楸官草
幾回春，只今棄擲寒郊路，猶
自悲鳴戀主人。

題犬

元 貢性之

深宮飽食恣猙獍，卧毯眠檀
慣不驚，却被捲簾人放出，宜
男花下吠新晴。

蟬

宋 寇準

寂寂宮槐雨乍晴，高枝微帶
夕陽明，臨風忽起悲秋思，獨
聽新蟬第一聲。

聞蟬

唐 趙嘏

噪蟬聲亂日初曛，絃管樓中
永不聞，獨奈愁人數莖鬢，故
園秋隔五湖雲。

秋日見蝶

明 朱靜庵

江空月落，尸聲悲霜染丹楓，
百草萎胡蝶不知身是夢，又
隨秋色上寒枝。

螢

唐 羅鄴

水殿西風玉戶開，飛光十點
去還來，無風無月長門夜，偏

初學詩選

咏物

五

向階前照綠苔

流螢詞

明安期

熠熠流光漾水烟池亭兩歇
晚涼天西風吹墮紅蕖裡照
見鴛鴦自在眠

蛩

唐郭震

愁煞離家未達人一声声到
枕前聞苦吟莫向朱門裡滿
耳笙歌不聽君

聞蛩

白居易

暗蟲唧唧夜綿綿况是秋陰
欲雨天更恐愁人暫得睡
声移近卧床前

蚊

清黃中堅

斗室何來豹脚蚊殷如雷鼓
聚如雲無多一點英雄血閑
到衰年忍付君

澗中魚

唐白居易

海水桑田欲變時風濤翻覆
沸天池鯨吞蛟鬪波成血深
澗遊魚樂不知

放魚

竇鞏

金錢贖得免刀痕聞道禽魚
亦感恩好去長江千万里不
須辛苦上鼉門

梅花

宋方岳

竹繞疎籬水澆邨一枝相伴
到黃昏暗香似識騷人意月
淡無風自入門

早梅

唐張謂

一樹寒梅白玉條迥臨村路
傍溪橋不知近水花先發疑
是經春雪未消

梅月吟

宋姚宗佐

梅花得月太清生月到梅花
越樣明梅月蕭疎兩奇絕有

效詩言選

久踏月繞花行

雪梅

楊万里

雪正飛時梅正開，倩人和雪折庭梅。莫教顛脫梢頭雪，千萬輕輕折取來。

惜梅

元僧明本

香銷泥汙，意裏回掠地迴風。玉作堆愁絕，絕黃昏無一語，怕看孤月上，愁來。

探梅

清沈德潛

才過野店，便溪橋，携却詩囊。又酒瓢，但覓幽香，最深處，不須前路問山樵。

盆梅

宋樹穀

數枝也復影橫斜，惹得羈人鄉夢賒。拋却西谿千樹雪，瓦盆三尺看梅花。

紅杏

元丁鶴年

姑射仙人鍊玉沙，丹光晴貫洞中霞。無端半夜東風起，吹作江南第一花。

院桃再花有感

清蔣士銓

竹外重開一兩枝花，神何事與秋期。風霜影裡誇顏色，也是人生晚達時。

梨花

宋黃庭堅

桃花人面各相紅，不及天然玉作容。總向風塵塵莫染，輕輕輕籠月倚牆東。

和孔密州東欄梨花

蘇軾

梨花淡白柳深青，柳絮飛時花滿城。惆悵東欄一株雪，人天生看得幾清明。

杏花

唐羅隱

暖氣潛催次第芽，春媒花已謝。

初學詩選

卷五

杏花新半開半落，閉園裡何異，榮枯世上人。

海棠

宋 蘇軾

春風嫋嫋沉崇光，香霧霏霏
月轉廊。只恐夜深花睡去，高
燒銀燭照紅妝。

海棠

陸游

蜀地名花擅古今，一枝氣可
壓千林。譏彈更到無香處，常
恨人言太刺深。

興教寺海棠

明 楊慎

兩樹繁花占上春，多情誰是
惜芳人。京華一朵千金價，肯
信空山委路塵。

白秋海棠

清 尤怡

誰將清淚洒幽輝，散作瑤華
別有姿。最是玉人腸斷後，淡
妝無語背人時。

楊花

唐 吳融

不鬪穠華不占紅，自飛晴野
雪濛濛。百花長恨風吹落，唯
有楊花獨愛風。

楊花

金 高士談

來時官柳萬絲黃，白日飛毬
滿路傍。我比楊花更飄蕩，楊
花只是一春忙。

木犀

宋 楊万里

只道秋花艷未強，此花儘更
有高量。東風淅淅得千紅，紫
曾有西風半點香。

凝露堂木犀

夢騎白鳳上青空，徑度銀河
入月宮。身在廣寒香世界，寬
求簾外木犀風。

百日紅

明 楊慎

李徑桃蹊與杏叢，春來二十

四番風朝開暮落渾堪惜何似彫闌百日紅

槐花

唐 翁承贊

雨中粧點望中黃勾引蟬聲送夕陽憶得當年隨計吏馬蹄終日為君忙

雨中看牡丹

竇深賓

東風未放曉泥乾紅藥花開不奈寒待得天晴花已老不如攜手雨中看

裴給事宅白牡丹

開元名公

長安豪貴惜春殘爭賞新開紫牡丹別有玉盤承露冷無人在起就月中看

芙蓉

高蟾

天上碧桃和露種日邊紅杏倚雲栽芙蓉生在秋江上不

向東風怨後開

茉莉花

元 江奎

雖無艷態驚群目幸有清香歷九秋應是仙娥宴歸後醉來掉下玉搔頭

月季花

宋 韓琦

牡丹殊絕委春風籬菊蕭疎怨晚叢何似此花榮艷足四時常放淺深紅

十日菊

唐 鄭谷

節本蜂愁蝶不知曉庭還繞折殘枝自緣今日人心別未必秋香一夜衰

重陽後菊花

宋 范成大

寂莫東籬濕露華依前金靨照泥沙世情兒女無高韻只看重陽一日花

虞美人

明 孫齊之

蓄薇開盡綠陰涼西國名花
此際芳夜月空懸漢宮鏡幽
姿猶帶楚雲愁

秋荷

唐羊士諤

紅衣落盡暗香殘葉上秋光
白露寒越女含情已無限莫
教長袖倚闌干

敗荷

宋黃濟

紅錦機空水國窮轉頭千蓋
偃秋風鴛鴦一段菜枯事都
在沙鷗冷眼中

牽牛花

白石

青花綠葉上疎籬嫋嫋長條
竹尾垂老覺淡粧羞有味滿
身花露立多時

殘花

唐韋莊

江頭沈醉泥斜暉却向花前
慟哭歸惆悵一年春又去碧

雲芳艸雨依依

落花

宋僧贊寧

蝶醉蜂狂香正濃晚來階下
墜衰紅開時費盡陽和力落
處難堪一陳風

種花

歐陽脩

淺深紅白宜相間先後仍須
次第栽我欲四時携酒去莫
教一日不花開

買花

清王澤弘

賣花檐上露纔乾野老移來
滿藥欄拋却故山花事盛翻
來燕市買花看

惜花

唐張泌

蝶散鶯啼尚數枝日斜風定
更離披看多記得傷心事金
谷樓前委地時

柳

杜牧

數樹新開翠影齊，倚風情態
被春迷，依依故國樊川恨，半
掩村橋，半拂溪

柳

羅隱

灞岸晴來送別頻，相偎相倚
不勝春，自家飛絮猶無定，爭
把長條，絆得人

柳

李中

春來無樹不青青，似共東風
別有情，閑憶舊居湓水畔，數
枝烟雨，屬啼鶯

柳

唐彥謙

絆惹東風，別有情，世間誰敢
鬪，輕盈楚王宮裡三千女，饑
損蠻腰，李不成

柳

宋張耒

永豐坊裡舊腰肢，曾見青青
初種時，看盡道傍離別恨，爭

教風絮，不狂飛

柳

明陳輝

空塘流水浸長條，細雨踈烟
拂灞橋，長笛數聲人不見，春
風斜繫，木蘭橈

楊柳枝

唐劉禹錫

城外春風吹酒旗，行人揮袂
日西時，長安陌上無窮樹，唯
有垂楊，管別離

楊柳枝

白居易

春江一曲柳千條，二十年前
舊板橋，曾與美人橋上別，恨
無消息，到今朝

楊柳枝

白居易

紅板紅橋青酒館，娃宮暖
日斜，時可憐，雨歇東風定，萬
樹千條各自垂

楊柳枝

溫庭筠

宜春門外最長條，閑裊春風

女學詩選

伴舞腰正是玉人腸斷處一渠春水未開橋

和練秀才折楊柳

楊巨源

水邊楊柳麴塵絲立馬煩君折一枝唯有春風最相惜殷勤更向手中吹

芳草

羅鄴

芳艸和煙暖更青閑門要路一時生年年點檢人間莫唯有春風不世情

青蔬

宋張耒

新春書劍滯江城又見南蔬入旅羹關心太昊祠前路小甲連畦帶雪青

蕉雨

清高珩

風動仙鸞尾滿庭幽人欹枕幾回聽雨聲昨夜添多少又

展芭蕉一葉青

茶

宋林逋

石碾輕飛瑟瑟塵乳香烹出建溪春世間絕品人難識閑對茶經憶故人

詠酒

唐汪遵

萬事銷沈向一杯竹門啞軋為風開秋宵睡足芭蕉雨又是江湖入夢來

糖霜

宋楊万里

亦非崖蜜亦非錫青女吹霜凍作冰透骨清寒輕著齒嚼成人跡板橋聲

荔枝

唐韓偓

封開玉籠雞冠濕葉觀金盤鶴頂鮮想得佳人微啓齒翠釵先取一雙懸

蒲萄

韓愈

初學詩選

卷

七

新莖未遍半猶枯，高架支離
倒復扶。若欲滿盤堆馬乳，莫
辭添竹引鼉鬚。

史 元 劉 因

記錄紛紛已失，真語言輕重
在詞臣。若將事事求心跡，恐
有無邊受屈人。

硯 清 顧 陳 疇

端溪誰割紫雲腴，
萬古文心
向此攄。小点墨池成巨浪，就
中飛出北溟魚。

秃筆 宋 林 逋

神鋒雖缺力能存，
架琢珊瑚
欠策勳。日暮開窓何所似，灞
陵憔悴李將軍。

扇 東 坡

團扇經秋似敗荷，
丹青髣髴
舊松蘿。一時用舍非吾事，舉

世炎涼奈爾何

謝 鄭 閱 中 惠 高 麗 画 扇

黃 庭 堅

會稽內史三韓扇，
分送黃門
畫省。中海外人烟來眼界，全
勝博物注魚蟲。

琵琶 唐 白 居 易

絃清撥刺語錚錚，
背却殘燈
就月明。賴是心無惆悵事，不
然爭奈子絃聲。

風箏 清 徐 天 球

誰向天邊認塞鴻，
但憑一紙
可騰空。任他風信東西轉，百
丈遊絲在堂中。

江帆 唐 羅 鄴

別離不獨恨蹄輪，
渡口風帆
簇更頻。何處青樓方凭檻，半
江斜日認歸人。

幼學詩選

花上金鈴

宋 蕭水崖

搖曳金鈴日幾回，不教紅紫委蒼苔。誰知鳥雀驚飛去，別有銜花野鹿來。


燭淚

元 張弘範

惜別終宵話不休，煌煌燈燭照離愁。蠟花本是無情物，特向人前也淚流。

幼學詩選坤之卷終

跋



余嘗評古人絕句之盛唐而供奉龍標中唐而君唐高得晚唐而玉溪樂川是其竅也然以細觀之玉溪不及樂川遠甚唯樂川以氣勝夫氣勝則筆健世以小杜目之宜矣偶與素一談及此事素一日甚

幼學詩選

跋

如學言選
然吾願未暇高論
如此但鄙見低說
欲勉課幼學耳
曰出亦其手輯幼
學詩選屬余跋
一言夫泰一作文
有奇氣常考先
師山陽翁所稱許
今也斯選雖名曰
考幼學而首以奇
響逸韻別出一种
活眼目以選不必

比之時好也此選
如行則庶幾使
童蒙近自明清
遠溯三唐也先
師有靈必當破
顏地下笑

時

嘉永紀元戊申

以首頁

以騰城山人

幼学詩選二編 近刻
(Faint handwritten text, likely bleed-through from the reverse side)

幼学詩選二編 近刻

嘉永二孟春

江戸 小林新兵衛
永樂屋丈助

京 風月左左衛門

大坂 河内屋喜兵衛

永樂屋東四郎

名古屋 同 太助

萬屋東平

